

《中國地方藝文薈萃》編委會 編

學苑出版社



華東卷·第十一輯 叁

華東卷·第十二輯
叁

中國地方藝文薈萃

《中國地方藝文薈萃》編委會 編

貴州师范学院内部使用

沈南疑先生橋李詩繫四十二卷（二）

貴州师范学院内部使用

沈南疑先生樵李詩繫四十二卷（二）

（清）沈季友輯

據清康熙四十九年（一七一〇）金南鎡敦素堂刻本影印

沈南疑先生攜李詩繫第八卷目次

平湖 金 南鏃 夏聲 校閱

明

朱大理逢吉八首 吳隱老人程僉都本立三

十首 楊太守任一首

袁卜士祀山一首 蔣侍書競五首

徐大使中一首 張仁二首

西園居士李進六首 穆溪漁隱朱徹一首

李訓導孟璿五首 丁珙一首

陳秀才景融二首 李布衣季衡四首

嚴布政貞一首 姚袁州文一首

朱興寧孟德二首

王經歷達三首

俞少傅山二首

朱琳一首

李澄一首

鄭璋二首

陸秀才琦三首

松雲居士姚黼一首

南野遺老韓永二首

劉秀才儼一首

桂林居士屠胤一首

孫檢校詢七首

養正生陸贊一首

張太守振一首

劉舉人稽一首

竹鄰子陳顥二十一首

張縣丞禮一首

張封君翥一首

莫布衣藏一首

沈員外淳二首

諸秀才斲一首

唐太醫璵一首

謝御史文昌一首

賀秀才麟一首

金都事景輝一首

岑學究琬二首

崔指揮端一首

莫布衣遜一首

丁銛一首

張綱一首

張弘一首

沈寧一首

張僉事昊一首

許醫官信一首

孫陰陽綱一首

嚴鼎一首

張玉一首

江淵一首

張惠一首

陶瑾一首

陸厚一首

陸宗寶一首

沈南疑先生樵李詩繫第八卷目次終

沈南疑先生樵李詩繫第八卷

平湖 金 南鏜 夏聲 校閱

明

朱大理逢吉

逢吉字以貞崇德人洪武初爲中書掾授寧津知縣有異政擢湖廣僉事坐事謫屯關中移戍山丹著童子習牧民心鑑二書再起陝西僉事入爲大理丞同修國史尋命視蘇湖水利及畿內屯田單騎巡行寒暑不倦所建議皆軍國大計建文庚辰同董倫高巽志考試天下貢士年八十卒所著詩文集虞集爲序

干乘梨雲

秋高美梨熟萬朵絳雲蒸曾得君王喜因為里閨稱春
香凝白雪曉夢入青綾何必潘郎賦佳名處處騰

附考崇德有干乘鄉吳王養兵
放牧于此鄉有紀目坡遊屯涇

錢林李雪

花滿錢林社景如嘉慶坊一天風不動萬樹雪生香鮫
女鳴珠佩仙人下玉堂清遊喜相遇踏月看春光

附考崇德城
北有錢林

錢節婦詞

錢家節婦近代無年才二十早哭夫皚皚獨守乳下孤
豈無嫁時紅羅襦掩鏡不對雙鸞雛仰天誓養堂上姑

青燈明滅啼夜烏教子讀書身辟纁天長地久夫骨枯
清冰白玉終相如姑婦白頭心勿渝皇家有詔旌門閭
光彩照耀鴛鴦央湖千古流傳太史書

附考節婦崇德
錢昇母詔旌之

同員季翔飲客樓酒半作

客從黃雀樓頭至醉舉鳳凰臺上杯甘雨洗天炎暑淨
好風消酒暮懷開坐評月旦推吳士歌聽陽春憶楚臺
歸到湖湘見明月有詩須托雁將來

寄張世衡

文穆公家四世孫清朝今見幾人存衣冠入市爭投轄
風雨讀書深閉門坐詠遠山楓葉寺歸從新酒杏花邨

玉灣橋下莓苔路，應有徵賢故轍痕。

送姑蘇劉孟功之官

詔下鳴琴向雪川，山中官府似神仙。
兩堤桑靄青遮縣，一路稻花香滿船。
好客重逢東老樂，化民寧讓魯恭先。
濟時方略平生定，早晚聲華到日邊。

謝東白上人遺惠泉

二泉自昔著佳名，百里分來故故清。
卓地不勞飛錫響，出罌猶帶漱雲聲。
酒醒淪茗魂俱爽，病起看山眼倍明。
才愧長卿能免渴，相知誰似上人情。

題雲林画

昔年來看墨池鵝，風雨扁舟載酒過。
一自春歸清閔閣，

幾番蛛網落花多

翼隱老人程僉都本立

本立字原道自號翼隱老人崇德鳳鳴里人

後析桐鄉

洪

武丙辰以明經薦爲秦府引禮見上奉天門賜馬

匹楮幣後改周府忤貴戚謫雲南馬龍他郎甸長

官司吏目時緬夸煽亂本立單騎諭之皆悅服後

復叛西平侯沐英討之謂非本立未足安諸夸命

爲守禦乃冒暑雨深入楚雄姚安大理霍慶麗江

永安等地懷柔撫字凡九載夸民晏然建文初學

士董倫府尹向瑤等交薦之徵入翰林纂修高廟

實錄陞僉都御史坐失陪祀調江西按察副使未

行靖難兵至與吏部尚書張統等俱赴應天府學
自縊死有異隱集其文平易典實詩亦莊重非騁
竒鬪妍者比明初渾厚之風猶可想見也

送李學正之易州爲賦桃花崦

野性好林壑胡爲來市鄺豈無桃花崦著我屋數椽
深崦中花萬樹春霞鮮居民非避秦鼓腹戴堯天花間
長兒孫看花不記年我欲往從之路隔松蘿烟悵望小
孤峰玉立青娟娟相逢李博士頗類長庚仙江東事幽
討已有青鞵緣得官不厭冷幡然向幽燕振衣山上風
洗耳石罅泉期君早歸來和我桃花篇

木棉歌宿榮昌縣田家作

田家無桑蠶不育寒機不奈蛩聲促陽坡種得木棉花
雨晴雪點秋雲綠小姑大婦不梳粧日日採花如採桑
青裙短短赤雙脚素手織織花滿筐歸來閉門月昏黑
燃薪代燭光照室姑搖紡車婦在機一夜不能成一匹
松州茂州道路難烏蒙烏撒雨雪寒丁夫運糧給邊餉
賣布易米還輸官田家不織紈與縠木棉未得裁衣服
何日邊城罷戰輸女織男耕衣食足

題竹石小畫

玉堂仙人松雪公寫竹正似石室翁雲林道人雖出後
往往落筆生秋風吳人好書仍好畫百年遺墨千金價
比來何處得此圖松雪雲林此其亞娟娟嫩玉纔數莖

烟梢雨葉縱復橫洞庭寒骨沈水底鐵索下取蛟龍爭
却憶江南舊池館筆牀碁局何蕭散一行作吏事便廢
十年不歸夢欲斷松雪子孫今幾人雲林弟子誰逼真
得歸故鄉倘相覓竹枝掛我頭上巾

山行晚至晉寧州太守史公畱飲

落日孤城小輕烟一水斜青山蒙氏嶮綠樹夔人家絕
塞無來雁荒城有噪鴉多情北州尹勸酒說年華

過嶠甸

山斷邨纔見溪迴路忽迷販茶非土獠勸酒是倭倪碧
樹排雲直青秧插水齊欲忘鄉土念多事子規啼

乳石詩 并引